

嘉慶直隸太倉州志

直隸太倉州志卷六十五

封域補遺

沿革表

沿革已志封域茲復
詳細表列俾便查覽

夏

商

周

秦

揚州之域

勾吳地

周武王封

秦併天下

仲雍後周

分三十六

章為吳侯

郡隸會稽

地屬焉春

秋時吳王

卽其地置

倉名太倉

元王三年

越滅吳屬

越顯王三

十五年楚

敗越盡取

吳故地屬

楚楚考烈

王十五年

徙封春申

君於吳屬

春申相傳

春申君造
東倉卽今
地二十五
年李園殺
春申君國
除仍歸楚

漢

晉

宋

齊

漢改婁縣

太康元年

婁屬吳郡

婁屬吳郡

地名婁始

隸揚州四

此高帝六

年分設海

年封荆王

虞縣咸康

賈十二年

七年撥隸

賈戰死立

晉陵郡改

吳王濞景

海虞爲南

帝二年濞

反國除改

郡仍屬揚

州新莽改

婁治光武

興並復如

景帝時順

帝時改吳

郡三國時
屬吳公孫
淵據遼孫
權交好於
淵置倉今
武陵橋北
名東倉未
知春秋吳
王與楚之
春申之是
抑三國之

爲徵信也

梁

陳

隋

唐

天監六年

貞明元年

開皇五年

武德元年

設信義郡

分置吳州

設蘇州廢

初漲崇明

改婁爲信

五年吳越

信義郡並

地貞元初

義縣隸之

自稱爲中

廢崑山屬

隸江南道

大同六年

吳府

常熟縣十

至德後復

又分信義

八年復置

屬蘇州大

爲崑山縣

崑山縣

業三年改

改南沙爲

蘇州復爲

常熟縣

吳郡

五代

宋

元

明

鳳錢氏中

吳府

政和中升

至元十四

洪武二年

州屬平江

年隸揚州

州改縣十

府後為姑

府設崇明

二年分立

蘇郡分崑

州元貞二

填海衛正

山地置嘉

年改府為

統三年建

定縣元貞

路屬平江

兩衛學宏

二年嘉定

路升崑山

治十年割

升州洪武

為州延祐

常熟崑山

二年仍改

元年徙崑

嘉定縣之

為縣

山城如太

地為太倉

國朝

雍正三年
升太倉為
直隸州析
州地為鎮

倉至正十
六年張士
誠盜據屬
隆平府吳
元年立太
倉衛

州領崇明
縣屬蘇州
府

洋析嘉定

爲寶山並

崇明領四

縣

山岡

敬附

鎮洋山

祝允明記宏治十年蘇州府新建太倉州遵詔

命也堪輿肆其樞烝黎矢其謨而巡撫朱公瑄
建白之太守曹公鳳主維之同知萬公祥等申畫之所
以造規考工計垂久遠咸出于州守李公也初治廨既
立石具皆作而相維浴州以東搖汨滔茫萬古不歇雖
新那呀然敬睨踞壓而萬井衡夷無標極之形於是卽
屏宇後築爲崇巒肖像三山中隆夾亞堅壤豐積樂石
奇叠材木蔚章鳥獸馴習爰乎摩蒼霄疑乎跨黃祗風
蟠氣迴情愜勢到足以聯絡地軸支柱鯨渤而又爲亭
者三居山之前曰迎仙東曰來仙西曰遊仙爲洞者一
居山之麓曰集仙既成州人驩聲征商歸囑夷倭附服
舩船安流伯若興寶龍魚帖居乃稽勲名山謂之鎮洋
同知州事周君明等令義官鄭餘慶請記夫兩儀育物
而川岳奠位王公設險則城隍設藩肇川封山其來舊
矣又況惟洛食而周鼎盛咸陽峙而漢闕依和形之方
孰可達廢然而不藉賢宰疇匡聖圖故龍門砥石禹成
舜功南郊銅柱援標漢業厥今沙海漸暨揚波不聞所
謂龜筮協從神鬼受職因民而利職競繇人然非深不
足以經遠非明勿庸以輔幽有如茲州似構斯山岡興
化機物情未云周審今則地理順謚水土平康物性
直隸太倉州志

卷六十五

封域補遺

山岡

五

而形勢暢陰陽和而凌犯解易曰后以裁成天地之道
輔相天地之宜以左右民臣也者承君之義以致之民
者也則鑣洋之創我后資始羣公作成乾坤交宜人物
攸賴豈不謂哉成輔相者與非天下之至深至明其孰
能與于此惟李公抱英荷傑直氣凜凜殆乎海其知而
山其仁者也蚤繇進士簡擢御史續斧所指霜憲峻肅
嘗道驅豺豕逐落伏馬廟堂揚明特起茲任然臥治東
驕絃歌雞割非大賢之路明辰大行獨留巍聳共山無
朽則民之懷矣曷以有託公名端字表正棗陽人董其
役者陰陽典術瞿坤醫學典科杜璧也允明既纂稼勒
懿爲銘曰釋釋新州嶠嶠崇邱拊寧大流厚土崔崔剛
民差差坎絡坤維三壺委形口觀授明五嶽連衡陽侯
効職波臣屏息其究安宅都臺建勛郡公秉鈞疑于州
君六府維修人謀鬼謀以承天休乾清坤夷蒼生熙熙
重譯祗祗股肱其良庶事其康獻于天王沈周鎮洋
山詩海上重廣洋新州東眺眼蒼茫白涓萬里登
臨近青並三指顧長歲久魚龍扶地軸清雲鵬
鸞送天光尹君屏止威明肅約束陽侯不敢狂
北山在雙鳳張采州志言晉元周道錄作周錫詩前輩
新歲華竹深棲石屋天涓繞雲車鳥啄山頭
果魚噉水而花老余相對晚細嚼卻平瓜

丹山在雙鳳陳洽宅後其五世孫汪築有竹椅芝屋幽軒諸勝

東山在雙鳳周坤築

西山在雙鳳邾鼎築唐丞又爲西山園亭

周在詩金張甲帳好亭臺

石洞桃花爛漫開絲柳雨晴煙織翠竹塘風暖水生苔
匏尊有約春方好土鼓無聲暑未催草履踏青吾已倦
木芙蓉發待秋來

三山在雙鳳周節判築邾鼎有九日登三山詩

泥山在沙溪之陽因濬河積土成山每濬必增山漸高

陳炤詩聲滾滾城沙溪沙疊成山大海

西日莫扶筇還騎望鳬雛飛處片帆低

鳳岡張羽次周錫開九日登鳳岡詩登罷龍岡復鳳岡
白雲深處引盃長兩逢勝會歡應劇再續高歌喜

更狂萬壑煙霞馳野馬幾家風雨過商羊
百年罕遇重重九沈醉猶憐夜未央

懷遠岡

周錫榮七岡于雙鳳一日長春二日秋容三日懷遠四日此君五日嘯虎六日臥龍七日口口

烟墩在直塘北二里岡身旁韓世忠擊金人築以瞭哨
舉火者時世忠命人各取土一衽頃刻而成今僅存隅
蹟一在塗松南亦世忠築

松墩在七浦南姚涇口元陳氏墓二姐於此每月夜現
形建東林庵鎮之

癡婆墩在陸河鎮西南四五里張氏老嫗出粟賑饑令
挑其墓高數丈曰此可不朽矣鄉人呼爲癡婆墩有碑
已剝落

江熙詩今古消沈嘆逝波殘碑零落沒煙蘿青青草色偏如舊癡殺當年張阿婆

右太倉

按以上山岡皆土阜且多久廢然名輩登臨歌詠
流傳散見里志者不少爰錄一二以存勝跡焉

營建補遺

壇廟

旗纛廟

在陳門橋西南洪武二年指揮朱文建每年霜降日兩衛官致祭舊有田四畝一分貼備祭儀

坊巷

尚書坊

在雙鳳為陳洽

狀元坊

一在儒學東一在武陵橋西俱為毛澄

百歲坊

一在城為周誥一在沙溪為陳仙母一百六歲

少叅坊

在直塘為徐廷祿一日蘭曹龍錫一日薇省甸宣

恩榮坊

在直塘為凌汝志

世恩坊

一在直塘為凌雲翼曾祖方祖編父昆一為周澤

毓英坊

在沙溪眉涇為張汝昌

騰踏坊

為龐理

登瀛坊

為胡建

丹桂坊

為丁觀

應魁坊

為何明

發跡賢科坊

為陸景

武秀坊

為李顯

蜚英坊

為夏時

經魁坊

為管昌

右太倉

孝子坊

在四都為陸安

右鎮洋

世科坊

都諫坊

進士坊

為李宗祚李良

清要坊

為楊瑛

右嘉定

攀龍坊

為黃玉

附鳳坊

為陳翼

鵬搏坊

為施鈇

鳳鳴坊

為顧謐

進士坊

為顧達

晉世丁蘭坊

為施於教

獨步青雲坊

為周文

步月坊

為張鉉

忠孝坊

為沈雲坊

為沈雲坊

右崇明

按以上各坊俱已就廢
就有可考以補所缺

市鎮

璜涇鎮近鎮有涇涇中有石如璜因以爲名明成化間
趙璧建市少宗伯李傑有記

三家市宋陳宜中周勝一王逸士創建

墨莊在直塘北晉高士瞿鵲子莊

唐橋在沙頭北明叅政顧以山居村有進山坊繡衣坊
涇涇村大名同知張汝昌所居內建毓英坊周吏部紹
榮建興俊坊

蘇家灣在沙頭西

景三潭在塗松東南

沈知縣橋明南安縣知縣沈寔夫建其祠宅亦在焉

小市明呂彪建

沈店廟頭沈寔夫建

南周街周氏建總管堂

王涇倉場

新倉

凌家橋

三處俱有營汛

藥王廟

陸家廟

伍胥廟

鮎魚廟

龔浦廟

彌陀寺

右太倉

按墨莊以下諸村依
雙鳳沙溪各志增

職官補遺

張

翮

元至正年間任
崇明州同知

包

括

錢塘人
國朝康熙年間任太通道按名宦
括傳誤松太道查太通道缺隨設隨改今但知

有蘇松太道
及松太道矣

名宦補遺

國朝

雷震婁縣武舉任劉河營把總乾隆六十年五月奉派

赴洋遇盜格鬥死賞恤祭墓世職入祀昭忠祠

民壯唐幅同遇

害賞銀五十兩同祀昭忠祠又吳淞營兵王廷佐龔文

明陸勝發護解兵糧赴洋遇盜格鬥死每名賞銀五十兩入祀昭忠祠

學校補遺

鄉飲賓

明

徐貞魯

徐燦

周之玖

國朝

錢師達

徐尚節

胡思信

周章

沈仕

范光啓
以上康熙年間

凌元芳
雍正年間

鍾世英

沈斗元

張枚吉

鍾世芳 以上乾隆年間

右寶山

選舉補遺

科貢

明

殷

瓚

永樂元年癸未曾榮榜

楊

伸

十年壬辰馬驛榜

秦

蕃

成化十一年乙未謝遷榜

范

輪

二十年甲辰李旻榜

右太倉未立州前進士

丁元復

隆慶五年辛未張元抃榜

徐

申

萬歷五年丁丑沈懋學榜

徐泰時

八年庚辰張懋脩榜

右太倉未改直隸州前進士

殷

瓚

永樂元年

桑

瑜

天順三年

蔡

宥

成化十年

右太倉未立州前舉人

桑介

嘉靖十年

許河

十六年

徐履祥

十三年

郁廸

二十五年

徐申

萬曆四年

王亮臣

十年

王騰程

三十一年

王仲聖

四十年

王志宏

四十六年

管正儀

崇禎十二年

李楷

十五年

右太倉未改直隸州前舉人

按秦蕃以下進士舉人皆未立州前未改直隸州
前籍隸鄰縣而家於州境者楊仲秦秦蕃范輪丁元
復徐泰時省志舉人內不載侯考

顧巖

丁

昊以上成
化年間

右太倉未立州前貢生

桑介

陳益川

方表

以上嘉靖年間

錢益朋

胡世隆

一作丁

丁世臣

以上萬曆年間

陳玉宁

副榜

曹宗濬

錢燧

許宸章

以上天啓年間

周崇堦

王政

曹燕翼

副榜

顧夢麇

副榜

周維翰

凌必名

以上崇禎年間

國朝

周國昌

錢渢

錢瀧

杜昌丁

錢

澣

以上順治年間

右太倉未改直隸州前貢生

按各貢本籍鄰縣籍不盡可考茲就散見羣籍定爲州境人者錄入

元

張

嵩至正年間薦授象山書院山長

明

瞿

莊

授洪武年間薦授翰林典簿

秦

約

洪武年間薦拜禮部侍郎以母老辭授教諭

殷

奎

洪武年間薦授知縣

盧

熊

洪武年間薦舉秀才

盧

熙

洪武年間薦授睢州同知

陳

浚

洪武年間薦授刑部主事

陳

濟

永樂年間薦授永樂大典總裁

陳

治

永樂年間薦授兵科給事

殷

箕

授太平年間薦授推官

項

駕

薦舉秀才

周

砥

授興國年間薦授國州判

顧

智

授永福年間薦授教諭

徐

旦

授興喻知縣

趙

亢

授保定年間薦授訓導

右太倉州雍正三年前薦辟

明

王

圻嘉靖四十四年王泰際崇禎十四年癸丑范應期榜未揚廷鑑榜

右嘉定未隸太倉前進士

元

顧文昱

元季以才薦授鎮江掾

明

王大川

洪武年間以孝廉薦授岳州府推官東衡洪武年間以孝廉薦授晉

鄭宏

洪武年間薦授主客郎中袁銘洪武年間以經明行修薦授蘇州府訓導

陳時中

洪武年間以明經薦授廬江縣丞呂仲勉洪武年間以明經薦授太原府教授

唐鼎 洪武年間以賢良薦授工部主事 鄭濟川 洪武年間以懷才抱德薦授廣東監察御史

陳孜 洪武年間以倚馬萬言薦授職方主事 陳厚朴 洪武年間以人才薦授吏部主事

彭澤 洪武年間以人才薦授荊州府通判 周本初 洪武年間以人才薦授文思院大使

金義 洪武年間以人才薦授荊州府教授 陶用之 洪武年間以老人薦授荊州知州

葛震 洪武年間以老人薦授營山知縣 王端一 洪武年間以老人薦授松滋縣丞

史厚義 洪武年間以老人薦授東平同知 錢通二 洪武年間以老人薦授稅課局大使

宣嗣宗 永樂年間以薦授中書舍人 徐志學 永樂中以人才薦

孫濬 永樂年間以楷書薦授戶科給事中 孫一作徐戶科一作工科

陸晟 永樂年間以楷書薦授廣平府通判 陳淵 永樂年間以楷書薦授漢中府同知

陸澄 永樂年間以楷書薦授德州同知 趙純 永樂年間以楷書薦授靈壽知縣

王應辰 永樂年間以楷書薦授大寧知縣 林藝 永樂年間以楷書薦授慶雲縣主簿

曾魯

洪武年間以明經薦授新寧伯教讀

述

宣德年間以賢良薦授御史

馬

高

正統年間以賢良薦授餘姚縣丞

楊

縉

正統年間以賢良薦授南和訓導

葉

安

正統年間以賢良薦授渭王府教授

陳

瑞

正統年間以明經薦授雄縣訓導

國朝

張雲章

康熙年間薦尚書館纂修

右嘉定雍正三年前薦辟

明

陳

杰

景泰二年辛未柯潛榜武進籍

國朝

顧瀛秀

順治十八年辛丑馬世俊榜崑山籍

右崇明未隸太倉前進士

國朝

宋廣業 康熙王

右崇明未專隸太倉前拔貢

元

顧新 龍興路錄事

明

范宗善 九溪衛經歷 樊大寧 瓊州府通判

趙以禮 授工部主事 樊大成

王堯臣 黃泰來 授長寧知縣

楊昕 授禮部主事 施純 授仁和知縣

黃鉞 授番禺知縣 陸益 授工部郎中

朱禮 年間薦授尚寶司卿 沈廷揚 崇禎年間薦授內閣中書

施之炳 崇禎年間薦授晉江知縣 黃泰來 崇禎年間薦授知縣

右崇明雍正三年前薦辟

封廕

李維德 賜恭祖地贈儒林郎 李塋 錫恭父贈儒林郎

朱士枚 李錫恭外祖贈儒林郎 俱國朝

右太倉

顧有信 王霖祖地贈承德郎加贈奉直大夫 顧琮 王霖父封承德郎加封奉直大夫

聞珽 蓋受地封修職郎

聞若岑 益勝叔贈封修職佐郎 俱國朝

右鎮洋

施宗慶 文勝父封承直郎

以上元

彭士達 曜父封文林郎

陳遠 翼父贈承德郎

樊昱 軒父贈文林郎

顧友 謐父贈奉直大夫

張傑 南雲父贈文林郎

施美玉 一德父贈文林郎

倪可進 千禧父贈文林郎

以上明

陸龍起 柄謙父贈文林郎

李泰順 登雲父贈奉政大夫

黃道立 初緒父贈文林郎

周國翰 徵仕郎父贈

施毅 封徵仕郎父捐

施錫 封登仕郎父贈

以上國朝

右崇明

賦役補遺

國朝嘉慶元年起到至六年止

田賦

嘉慶元年捐報義塚田六畝六分

坐落東一都二畝能字圩

共免徵平米九斗九升二合二抄二撮零應免本色米
豆七勺三抄一撮零遇閏減捐米三合三抄九撮折色
銀六錢四分九釐零遇閏增蠲銀八釐

右太倉州

挖廢義塚田八畝一分五釐

共免徵平米二石四斗七勺六抄九撮零應免本色米
豆一石二斗二升五合九勺遇閏減徵米三勺折色銀
八錢三釐遇閏增捐銀九釐

右鎮洋縣

挖廢坍荒三十八頃四十一畝七釐五毫

共免徵平米二百七十七石四斗一升六合五勺四抄
應免本色米豆二十五石七升五合八勺遇閏增捐米
二斗二升九合五勺折色銀一百三十七兩六錢三分
七釐遇閏銀四錢三分九釐耗羨銀六兩八錢八分二
釐遇閏銀二分二釐

右寶山縣

典稅

增典四戶額徵典稅正銀二十兩耗銀一兩

右寶山縣

人物補遺

忠節

明

呂源明字文長沙頭人以府學生中天啓辛酉舉人官河南源武縣有德政流賊入寇破源武城被執不屈罵賊而死

趙學基字一令庠生封大理評事原錫孫同諸昆儿夫寧夫和夫寔夫寰夫旭夫恪夫毓夫恒夫椎夫相砥礪有文名見魏璫用事以詩見志乙酉大兵至不屈死一門百餘口皆殉節和夫名良基著述極富

黃通理字仲伯世居常熟其祖遷嘉定晚歸沙頭志行

高潔秉性忠義人稱春陽先生乙酉大兵至被執不

屈見殺著有春陽堂詩稿行世

互見嘉定文學

右太倉

國朝

毛大瀛原名思正由四庫館膳錄就職州同歷官簡州知州隨征教匪值賊偷渡嘉陵江帶領鄉勇奮擊遇害賜恤祭塋世職入祀昭忠祠

右寶山

治行

明

陳浚字伯厚少保治從兄洪武初詹同薦宏才授刑部主事考刑部諸弊十餘條疏上帝善之年七十三卒楊榮誌其墓子機詳隱逸傳孫灼字汝玉有至性出入必告侍親側不敢坐親沒廬墓疏食終身不見齒薦授廣信府經歷嘗攝府篆地凋敝民嘗逋賦吏舞文訟獄繁滋灼搜奸剔弊咨詢周悉與民更始郡邑德之及歸士民保留泣送者不勝數

王永景泰丙子舉人官應城令甫下車諄諄勸化有犯之者立斃杖下其風悉改民頌如神

凌杞字尚忠天順壬午舉人官崇寧令改彭澤多善政兩邑士民爭之俱祀名宦曾孫從周萬歷戊子舉人杜門著述隱居終身人稱孝廉里

李鑾字朝卿正德己卯舉人官定海令多惠政爲建生祠

蔡宥字元錫成化甲午舉人官袁州府推官執法清正不避權貴

茅貢字承禹正德甲戌進士歷官雲南副使立法化民寬刑敦德晚歲家居見三尺童子皆禮之無仕宦氣

陸起龍字震卿萬歷癸未進士官行人司使外藩絕饋遺歷官黃州通判多惠政祀名宦子遜之官綿州知州

州多盜遜之單騎力擒盜首誅戮無遺同沈綿應黃翼
聖並徵閣部史可法聘爲參軍極信任之可法死歸隱
石牌涇口不談當世事以貧困死

丁元復字玉陽隆慶五年進士歷官少叅從信陽陞任
時萬民泣送春秋祀之建生祠著有片玉集姪文蔚歲
貢官馬龍州有政績祀名宦

唐益字堯佐由歲貢官慈谿教諭以德化諸生卒於官
貧無以爲殮門人爲治櫬哭而仆者不勝數劉世龍其
一也後知太倉州爲誌其墓弟夔亦貢生官福州教授
龔轅字廷用嘉靖癸未進士官虞衡司郎中以直道忤
權貴左遷開州周察民隱開民愛之崇祀名宦

沈默字識道嘉靖壬子舉人官魯山縣俗崇釋教多奸淫默示勸還族禁子女入空門犯者立斃杖下寺院爲之一空杜淫風斥邪說合邑稱爲聖人

許河字子澄嘉靖辛卯舉人知浦江縣訓繁上蔡皆有惠政兩邑城無磚石河皆創建至今賴之浦江崇祀名宦

國朝

胡鳳喈字于岡娠十六月而生性孝友母墮河入水抱母而出讓產兩弟獨嫁四妹莖母黨四世九棺由監生入授州同特旨官蘭山縣禁溺女建書院風俗爲之一變民立生祠憂歸萬民保留上司亦援例留之喈堅

辭父老哭送者不可計

王璞字振采山副貢充正黃旗教習選沛縣教諭值沛
災委辦賑務矢公矢慎吏胥不得染絲毫蝻孽間發竭力
驅捕蝻不爲患授徒講學井井有法沛之文風丕振
焉

右太倉

朱廣業字性存由拔貢授臨城令興學校禮耆碩鋤豪
強教化風行時畿輔旱鬻產携千金以賑臨人建報德
祠邑有積水驟雨大漲撒頽屋材束薪柳以障民得安
堵紫河套山賊剽掠吏不能制單騎往諭渠魁解散其
黨以歸再補商南令邑無城郭適歲祲就食者載道率

以築城以工代賑而城以立收棄嬰多至成立民有以
姓民兒者民貧賦不以時爲捐資代償墾荒土設義學
開丹江以通商賈遂成都會旋主收江楚漕糧敘其勞
當擢曹郎復以軍需克辦奉 旨以監司用分守濟東
飭綱紀而濟以寬郵傳之弊乃絕又修築濟郡東昌九
縣漕河隄岸輸挽便之兩攝藩篆迎養孝事奉母拜雙
忠祠見者感歎雙忠祠者東人祀其祖明殉難巡按學
朱及歷城知縣韓城者也署在歷山之麓忽有清泉湧
出人以爲孝水云後乞養歸年七十一卒

右崇明

孝義

宋

楊麟伯字祥甫沙頭人宋咸淳四年進士仕揚州觀察推官宋亡隱居不出元泰定間建義莊義學集賢院學士閭復立義莊田宅碑記

元

陳貞字子固居雙鳳因張氏據吳嘗寓武進閉門不出母患心痛刲股雜羹以進母食而愈越日痛復作貞又剔心以進母覺謂曰汝誠篤孝但爾再割我心益痛止之是夜夢神授以紫蘇飲服之而愈人謂孝感所致後以子洽貴贈兵部尚書

明

瞿莊字敬孚興嗣子性至孝能先意承志無違禮洪武初以薦仕至福建叅政嘗刑一老吏丞相奏之上手詔嘉獎其在翰林時宋濂嘗曰濂侍講禁林蘇之良士瞿莊文學蔚茂勵行堅凝甚敬憚之凡應制諸作上皆稱善然念親思歸一語及之流涕被面其至性可想見已張倫字廷序十試京兆當得明經以同學友貧且母老因讓焉性剛直面斥人過人終以此敬憚之卒周叅政表其墓

姚廷法字省吾雙鳳人性孝友父晚生幼子欲不舉廷法立請再三令妻王乳之教養成立爲婚配焉

廷法嘗輯州志

八卷請於當事欲成其書而不果臨卒命子魁勿輕示人後張南郭修州志魁介其友達張多所采取而其友謂已著沒廷法名魁言及輒痛哭詳顧中庵雙鳳志

唐懋勲字昭甫雙鳳人父疾篤斷名指煮羹進疾愈崇禎十五年州守旌孝思天祐額父終家無餘貲兼失婦訓蒙奉母養兩寡妹及弟婦翁周文起無後割脩脯所積置十畝爲立後里黨義之

劉文玉字振之直塘人親沒廬墓終身中嘉靖丁酉舉人官長垣知縣居官廉介復宗藩地忤豪右中蜚語挂冠歸子必達孫元奎俱庠生亦以孝稱

陳于陶字味淡沙頭人衢州學正訥子州廩生居親喪三年不離苫次手閱經史人爭購之義于陶姪孫年十

二親疾割股捐軀死於孝侍御蘇懷愚紀其事

凌孝子逸其名年幼異孝士大夫贈詩成帙墨跡藏直塘凌士鉅家

國朝

陳廷柱字能睿涑子嘗隨父至松江盜持刃向父廷柱冒刃救脫自傷肩背臥病年餘母發背疽以口吮之而安歲饑施棺設粥完族之無力婚娶者置平斗斛銘曰出入公平易之天擊年七十四無疾卒子炤字輝宇性孝父所喜每食必具父疾同室陸氏禱以身代父瘞而陸以卒周給三黨塋九族浮棺有告乏者不屑典貸以應遍遊名山所至悉有題咏渡江時風浪大作旣抵岸

舟人日夜聞人言一舟嘗覆內有太倉陳某素有仁德不可壞之同舟感謝過泰山車覆折軸亦無恙晚年四壁蕭然閉戶著書人罕見其面卒年五十聞櫛誅之曰名高劇孟原非俠義過田文不責償蓋寔錄也子三季曰均五歲能詩父喪成禮八歲而夭臨終句云子生不滿三千日歷盡風霜無不知聞者惜之

顧逢源字瀛初敏功孫幼孤力學同妻竭力奉孀母以孝聞精求理學從遊最衆張象旭胡乘時輩皆及門也叔富無子讓嗣於弟誨季弟爲諸生爲從弟置妾生子族姑苦節無依迎養死塋撫嫁其女州牧白公建講院延主講朔望宣講 聖諭 覃恩賜八品服卒年八十

五子家有著述

張文華字晉侯有至性事親能得其歡心歲饑與妻常食糠粃而以甘脆奉二人及女弟女弟母所愛也叔無後讓嗣於弟父疾割臂肉和藥以進母臥病中衣廁牕之屬手自潔除夜常十數起居兩喪哀毀幾滅性長齋稿素終其身平居讀書樂道足跡不入城市人罕有識其面者卒年七十沈德潛爲作張孝子傳子敘見文學

右太倉

王模字範成監生侍親疾衣不帶解棄產以供參藥未愈則剗股肉以進爲人敦尙氣節必誠必信工岐黃術就療者不名一錢

王國瑞字麟書明相國錫爵後幼以第一補弟子員制
裁贈炙人口喜吟詠所製渾雅中別饒神韻婦有奩田
四十畝奸佃串訟強給價值國瑞曰丈夫貴自立安用
婦田爲州守過席嘆賞出嗣大宗奉所後以孝聞創輯
家乘多所改正興宗祠之頽廢與脩州志嘗曰歐陽文
忠云養不必豐要於孝利雖不得溥於物要其心之仁
生平身體力行在此子四銓廩貢生銓鍾監生鏞乾隆
己酉舉人大挑知縣

右鎮洋

張善繼字敬溪壽登一百一歲生于萬歷壬子卒于康
熙壬辰生平言坊行表端奉吾儒之學爲後進師不信

二氏年高德劭洵海隅人瑞也

右崇明

文學

元

張嵩字維岳居沙頭博極羣書隱居著述以文學詔主
象山書院歸卽閉門却掃屢徵不起躬耕樂道終其身
卒門人私謚貞文先生子養吾進士博學養高如其

明

陳貞晟字德晦鎮洋衛正千戶陳良支孫父爲銀工告
父曰何執業令人如防盜乎爲謀什一養父偶過鄰家
書舍聞講有子孝弟章悅之明日又聞講弟子入則孝
章喜曰今日勝昨日塾師曰昨乃弟子有子言今乃其
師孔子言也遂受業焉嵩學中庸做存養省察工夫嘗

語人曰大學誠意章爲鐵關主一二字乃玉鑰匙也心之動靜一以居敬爲主晚居漳之玉洲卒年六十四提學姚鏤奏入鄉賢祠萬歷九年議題本籍建專祠

陳珣南昌令問子州庠生該洽性理綱目諸書發明理學撰性理詩經講義數萬言稟性坦直友誼誠懇遇過必規不爲依附

周鎬字子京墨子鎬弟銑字子明俱工詩文操筆立就鎬有竹梧集行世子濂亦工詩蒼然有風骨不爲靡麗之詞

陳桐字安道洽六世孫少與王相國錫爵同入州庠不
一千馮嘗從吳與弼叅講理學誠心質行言笑不苟書

天鑒二字於壁兢兢心目間如有所見並知醫理謂能治已形之病不能治無形之命知命知醫二說並行洵有道之言也

曹耀字德公少從張溥楊維斗遊嘗與陳瑚輩講天人性命之學篤志理窟年耄不衰著有慎懼錄詩文稿

陳申錫字君渥履祥子張涇人承其家學精於易理著周易鉤元自謂得堯夫之傳言行不苟人稱朱文公預知歲之豐凶曰此一定之理其言淵微淺學不能知也從弟玉宁天啓副榜多著述

國朝

陳涑字就列洽後州庠生研精經術尤究心程朱之學

性嚴峻執親喪盡誠盡哀里中稱陳孝子及門多顯達
晚精醫理所著詳藝文互見術藝徐秉義著蘧廬先生
傳曾孫塏改名士彬字九思樸學篤行留心著述卽涑
著續州志稿博稽羣籍益加推廣成州志備采並蘇松
田賦考

備采所載新
志多所采取

黃煒字韞之父通理詳忠節傳煒博聞強記並以孝友
稱鄉黨交最廣著友史嘗曰數日不見陳君渥不聞藥
石之言無以寡吾過也數日不見趙勤夫不吐肝鬲之
要無以暢我懷也著詩文筆記子與圭著九經解

胡瑞遠字慶衍父若叟由欽遷雙鳳從陳瑚學學成不
試敦行孝弟閉門却掃以書史自娛與王吉武唐孫華

輩詩筒往來無虛日著雙溪輯庵二集行世又與顧湄修雙鳳志刻未竣而卒子荃亦有詩文稿

陳天根初名琦字齊韓博通羣籍遊國學時陳鵬年在史館見天根所著史要采入國史後以母老歸創立詩社引誘後學子九齡頊齡俱有文行

方政益字惠孚康熙丁酉舉人少從江同侯周象明遊張伯行撫吳時聘修性理大全未幾張晉司農主辛丑會試政益引嫌不試張曰此真高士也撫孤姪範西成沐陽訓導嫁族女力耕課徒卒年七十餘著有柳村詩文稿

毛煒字恪庵明少保潞支孫工古今文而尤邃於詩足

跡半天下所至吟咏不事絺章繪句而性情流露於帑
墨間其真行八分出入漢唐爲時所重孫永錫字孝章
少孤奉母以孝聞輯西河世譜十卷又有文徵詩徵備
詳先世之事州志多所采取

朱最字正文有世德淹貫經史其經世才上王相國揆
書皆赤心保國之謨師黃景若周象明講求天人性命
之理著聯珠集行世

程階字星六庠生性坦和不立崖岸里中後學咸師事
之博極羣書工書法兼精靈素何焯評其所著云孤月
映水野雀唳天可想見其人矣

錢迪顯字蒼霖桓後少稱神童年十三補州學生後入

都公卿皆延重之足跡所至皆記以詩多可傳誦積貲
悉寄弟置祭產卒年六十六子本立以孝聞著有香笑
詩詞鈔

周鳳奕字羽良歲貢生生而木強從唐孫華遊讀書艱
於記憶悟收放心法冥搜默討乃博通羣籍下筆千言
撫軍商邱宋公會課七郡之士取第一艱於一科惟研
味宋儒先生之言以其餘力工醫藥卜筮青烏之術俱
有心得選六安州訓導未赴卒

右太倉

張鏞字商音邑學生浩後世承家學續文修行爲士林
推重所著麟經解精心畢力考据最爲詳確

右崇明

武功

明

顧敏志武隆縣尉會楊應龍亂改任遊擊禦賊有功蜀
爲著勤王偉績錄戰於重慶賊退解甲死

朱玉麟王辰進士默孫以武解元榜眼歷仕至山東掌
印都司多平寇功尋掌山東提督巡撫印東人德之

右太倉

隱逸

明

陳幾洽次子永樂間舉秀才授沛縣教諭因父洽陣亡
隱居不仕結亭曰鳳邨竹舍同里會課其中以理學化
鄉里卒年七十八門人私謚明惠先生

國朝

陳三錫字紹咸洽九世孫隱居不入城市嘗衣縞素每
於歲時必先設奠號泣終日不知其所祭何人又與知
己飲飲輒醉醉輒哭或有吟咏輒焚其稿卒年七十三
徐相國元文表其墓比之謝臯羽鄭所南云

王爾銓字帆仙少從陳瑚講天人之學有文武材甲申

後隱居磊落慷慨以詩酒自娛著有帆仙詩文集

右太倉

藝術

明

陳汪洽五世孫明經好古以詩名於時精素難有東溪
遺稿傷寒全集行世子桐見文學傳孫操太醫院御醫
著養生堂集

國朝

陸雲錦字文襄人品端雅善山水神似沈石田女琳適
崑山唐和春並工花草筆端韶秀香艷欲流

唐夢安字永錫精小兒醫並工詩

右太倉

胡兆槐字植三嘗割股療親疾人品端方里中有朱文

公之目工繪事筆意蒼秀韻出天然

右鎮洋

列女

明

王氏宋叅知政事絢裔孫女適給事中龔磐洪武中磐以直諫謫五開氏撫孤詡方三歲流離奔竄孤苦備至歸故鄉詡年纔十四守金川門成祖入詡刺不中而逃大赦後母子始得安居卒年八十五

王氏唐冕妻性孝姑病癰穢不可近氏親爲除拭夜盜入室氏擁姑入簷後時天沍寒氏以身蔽姑瀕凍死不舍吳寬爲記其事

夏氏太常景女適主事盧瑛早寡苦節數十年成化年間旌

王氏雙鳳周鑑妻方伯秩孫女氏每聽夫讀書至忠節事輒嘆息夫死氏年二十七欲身殉抱兩孤泣曰如失哺何既兩孤相繼天氏曰已矣兒死我矣一夕爲小姑講宋史夜分姑就寢氏從容佩服縊嘉靖中旌王錫爵有祠堂記歸有光書王烈婦墓碣

按周鑑疑卽周鑑傳載王氏事亦略相似

然寧重複恐非一人

王氏贈大學士夢祥孫女許字庠生徐景韶未幾景韶夭氏往視殮絕食死萬歷年旌

王氏徐韶聘妻年十七韶死誓以身殉祭於夫墓絕食死萬歷年間旌

章氏贈叅將宗時妻年二十餘寡遺孤六歲舅姑往吳

淞依長子氏寄食常熟母家氏積紡績資通問舅姑及子孟娶媳移家歸婁親黨難之氏曰兒成立當爲松楸計寡婦不得依客土後子成武進士

時氏直塘陳文璧妻文璧少保洽裔力學得疾而卒氏年二十生一女甫十日舅姑諷令改適氏截髮自誓奉舅姑備至撫孤女贅贈尙書凌昆爲館甥教嗣子椿及女婿力學苦節五十餘年嘉靖中外孫凌汝志官給事中上其節旌御題有冰霜此日思共伯綸錫他年藉魏舒句

正傳未攷氏姓并誤崇禎年旌茲據直塘志改之

國朝

徐氏直塘湯君珮妻二十七寡家貧日進兩粥雜以糠

批冬寒無被惟奉姑以甘脆姑壽九十三終氏守節至七十三卒子沐以節上旌

劉氏陸敦仁繼妻早寡二子五女俱幼撫育婚嫁孤苦守志四十餘年

陸氏凌秉仁妻早寡以紡績婚嫁子女年五十四卒妾管氏同守志撫孤成立年八十餘卒

張上慧嘉定人鵬翀從妹爲陳瑚子邁繼室幼隨諸兄吟咏成集名堅齋稿婚四歲而寡子毅在襁褓食貧孤苦筆硯俱焚撫子成立苦節三十七年蘇州海防同知高給天培勁節額

互見嘉定名媛

王氏龔秉正妻早寡守節撫孤良貴成立良貴又天同

媳諸氏撫週歲孤孫成立年八十三卒

正傳未詳復錄

凌氏庠生陸師成妻早寡矢節撫三歲孤成立守志終身

陳氏庠生黃涵妻早寡撫子成立苦節三十餘年陳妹適歲貢生徐庭言亦早寡撫前妻子成立卒年六十七黃氏周昇妻年二十二寡孤苦萬狀乞族之應嗣者爲夫後守節五十餘年

吳氏顧希和妻早寡苦節至六十餘歲卒

凌氏柴希賢妻年二十四寡上奉孀姑浦氏下撫二歲孤思怙成立娶媳陳氏思怙又天與媳同撫孤孫瞻雲姑媳三世以女紅度日人稱柴氏三節

陸氏元氏令陳福子志純妻早寡福卒於官同官以其喪歸姑又沒氏竭成喪禮撫遺腹子士彥十五卽爲蒙師母績子讀飢寒萬狀苦節五十餘年

顧氏龔維賢年二十一寡撫遺腹子序齡織衽餬口伯氏諷改適毀容遁母家矢志不二苦節終身

張氏陳蘭妻于歸兩載而寡撫子煥成立苦節五十年榮氏陳光被繼妻乾隆二十年歲大饑夫就遠館不歸斷炊無計謂子女曰歲荒難活我陳榮兩姓皆名族豈肯以飢寒失志遂自縊少子孝方謂姊曰母以烈死我當以孝死縊於牀餘女感弟言俱縊死一時以烈孝稱陳氏管芳芝妻婚未一月寡夫卒於崑山氏聞訃奔喪

盡哀盡誠竭力營墓苦節終身

陳氏唐瞻依妻乙酉 大兵至瞻依見殺氏年二十四苦節依母家六十餘年卒

曹氏包之俊妻早寡撫孤汝弼成立年七十餘卒曾孫錦婦亦曹氏二十九寡苦節五十餘年

李氏王棟材聘妻棟材卒矢志守節爲夫立後教誨婚配乾隆年間旌 旌冊遺

王氏崑山大京兆執禮裔孫女適州孝子陳廷柱竭力奉舅姑善視族黨姑病飫以乳而愈有司以雙孝旌其間

陸氏王象三妻諸生道宏冢媳二十一寡無子依舅姑

以守奉養極孝每事先於幼叔曰我家婦也撫嗣孤成立苦節三十餘年

沙溪志言雍正三年旌今旌冊遺

陳氏周淦妻年二十九寡苦節終身

曹氏監生包錦妻年二十九寡守節五十餘年卒

夏氏王發源繼妻年二十七寡撫嗣孤維翰成立守節五十餘年

黃氏幼適塗松南周某二十而寡撫一子十二又天苦節終其身

劉氏陸敦仁繼妻早寡紡績度日撫孤瞻芝成立卒年七十三

閔氏少以孝稱許字茜涇沈謹未婚謹卒氏年二十聞

計奔喪竭事舅姑家貧紡績餒食舅姑疾親嘗湯藥遇
嫡姑忌辰必泣祭舅卒竭蹶喪葬遂謀立後兩遇潮灾
家產蕩盡又奉繼姑宋三十四年宋卒氏泣謂嗣孤曰
汝當自立我誓從姑於地下慟哭二十餘日卒

胡氏毛詡妻早寡撫嗣孤成立知州陳焱給額旌

陳氏州判王斐妾斐以家奴侵蝕錢糧謫戍同州氏青
年隨戍斐卒於戍所氏年纔二十六又無所出遇赦後
扶櫬回籍孤苦守節至七十七歲卒

顧氏王煥章妻早寡租種紡績奉邁姑終養撫孤成立
卒年八十二守節終身如一日

陸氏童瑚妻早寡撫週歲子蒙正成立守節至七十卒

期一作
珣年

錢氏曹維嶽妻守節三十年本州學正給彤管揚徽額
陸氏御史毅元孫女楊雲采聘妻未婚而雲采夭氏聞
訃以剪刀自刺母救免奔喪守貞孝奉舅姑撫嗣孤翰
孫成立操履嚴謹過自刻苦布衣素食終其身現請旌
表

張氏顧起元妻早寡守節終其身

顧氏李國華妻年二十六寡苦志守節撫孤節延成立
以貧苦勞瘁卒署知州汪給霜寒月皎額

黃氏許字吳鵬瞻鵬瞻天氏欲奔喪其兄難之引巾自
縊救免卽歸吳如婦禮撫鵬瞻兄子爲嗣卒以哀慟沒

同時士大夫著貞女吟成集

國朝

顧氏陸錦妻嘉慶年旌

朱氏陸學泗妻嘉慶年旌

王氏宣存仁妻二十八寡耕織自給撫嗣孤發宗成立
婚娶守節已歷三十八年

王氏璜涇人許字馮策勲未嫁而策勲沒其家逼之嫁
氏絕食死

右太倉

湯氏少字王謙益謙益十六而天氏趨視殮慟不欲生
臨返謂舅姑曰夫子逝矣媳不久生於世遂絕粒而死

其舅爲合葬小婁塘從氏志也

右鎮洋

張氏徐天昇妻二十二寡守節三十一年

畢汾兩湖總督沅妹幼能詩遭父喪幾滅性里中有才女孝女之目適沈光祿起元姪恭逾年生子景舒而寡家無餘貲食貧茹苦以十指自給奉舅姑治喪葬悉一力支持景舒成立又親授孫宗約經平昔爨火時虛孜孜爲善卒年六十九著有繡佛齋詩草見藝文景舒監生宗約縣庠生

湯氏許字胡德能未婚德能卒氏過門守貞孝事舅姑及卒賣屋治喪墓撫嗣孤傳宗成立年已合例請旌

右嘉定

顧氏侯世昌妻二十三寡守節三十一年嘉慶年旌

金氏朱履仁妻二十四寡守節三十一年嘉慶年旌

王氏庠生陸肇基妻二十九寡守節三十年嘉慶年旌

楊氏李祖望未婚妻年十七夫亡過門守貞十五年卒

嘉慶年旌

金氏孫照妻嘉慶年旌

詳未旌傳

右寶山

張氏諸生樊悟聘妻悟沒氏慟絕欲奔喪父母阻之不可遂如樊如婦禮撫姪汝霖成立長洲韓葵爲作張貞女傳

袁氏楊漢妻二十一寡守節三十五年嘉慶年旌

黃氏陳蘭谷妻早寡守節終身知縣謝給清操勁節額

右崇明

名媛

明

季貞一沙頭人數歲卽博涉經史能詩有稿百卷

四適淮旋家屢自經救免家赤貧

自食糠粃鄉黨以孝聞撫遺孤皆

太倉列女

流寓

宋

陳宜中字與權永嘉人宋景定三年狀元官右丞相與
元世祖戰不克宋亡隱居楊林塘子孫家焉子思宋字森際建廟祀父不敢明言但曰陳森際廟俗稱陳酸蓋廟其墓亦在

右太倉

明

程嘉履字子靖自歛寓嘉之南翔與宗人松圓詩老同
處詩文亦同交侯峒曾黃淳耀張鴻盤侯贈句云君子
求其在我者夫君古道照相思歲寒松柏何由見落日
滄江照一枝鼎革後徙太倉號先民隱於醫卒年九十

五

右嘉定

古蹟補遺

城

海城按州城建自元至正十七年張自誠據吳時移支塘城改建而元呂敬夫有訪鈕聲遠于太倉之正陽門詩今城無正陽門又有題天育馬圖爲海城鈕聲遠作又張泰有海城春望詩似海城非現在州城或卽支塘廢城俱無確據存以俟考

右太倉

祠墓

御史蘇瓚墓在蘇家灣

副史茅貢墓在景三潭

國學王朝紳墓在二十九都下四畝得字圩祖塋之次

朝紳脩身樂善創
建相墓局無後

右太倉

太倉州同山陰商奕銓墓在西一都四畝烏字圩義

塚東偏雍正七年三月鎮洋縣知縣陶士傑立千載一

邱碣

恩貢邵南棠墓在東一都下三畝賢洋字圩祖塋南

文學陳揆雲墓在東一都上三畝恃字圩祖塋之次

邵陳

二人行誼詳見孝義支元福傳因俱無後且墓在河濱易冊故與商司馬墓並詳載焉

右鎮洋

藝文補遺

國朝

資喙集

李誠著許廷錄序略徵久五古筆清近古近體清便和雅不墮宋人叫囂粗率之習伏處荒江

寂寞之濱未有人一過其姓氏者

翰香堂集

陳陸溥著下同

雪窓隨筆

東臯詩選

毛焯著

敬齋詩文稿

陳大文著

蒿野詩

陳南金著

彙徵編

毛永錫著

婁東五先生詩

毛際美選刻支元福王諧陳揆雲邵南棠趙浴五人皆端雅狷介貧苦無寸遇

直隸太倉州志

卷六十五 藝文補遺

四

亦相埒各有專稿行世際美爲哀成一集按支稿名
雪樵詩王稿名雙桂軒草陳稿名聊寄吟邵稿名拾存
草趙稿名
奇野小草

州志備采 陳士宏著下同

蘇松田賦考

振羽編 陳潛著

右太倉

八談 吳烈著

靈巖山人詩文稿 畢沅著

廣堪齋詩稿 畢耀曾著

繡佛齋詩草 沈恭室畢汾著

右鎮洋

詩古訓十二卷

錢大昭著下同

爾雅釋文補三卷

廣雅疏義二十卷

說文統釋六十卷

兩漢書辨疑四十四卷

後漢書補表八卷

補續漢書藝文志二卷

後漢郡國令長攷一卷

三國志辨疑三卷

邇言六卷

金石山房稿

林大中著下同

練雅一百卷

月浦鎮志陳鈞著

右嘉定

雜綴補遺

祥異

國朝

乾隆三十六年秋風潮偏災

四十六年秋潮災

嘉慶四年秋七月海溢

右崇明

紀聞

明

陳九思州志備采云陳文元字咸濟有聲於庠嘗遇法輪寺著史稿有青面鬼持油來助言君成此書勲勞不

小後族姪仁錫取去所刊皇明世法錄多取裁於此
又云姚汝化何家市人少好博奕夜攻書五鼓始就枕
妻夢夫婦冠帶而坐汝化自誇必成進士鄉人笑曰非
驚沈死不能及入學親朋以驚饋果沈死旋即登第

國朝

又狄元州諸生安貧好學座聯云鄴侯架上書千卷顏
子齋中水一瓢嘗有穿窬入室一無所取詠詩嘲之曰
四壁蕭然只自知感君梁上夜來窺可憐呵凍挑燈處
正和淵明乞食詩囊中不剩一文錢故物曾無半片瓊
爾悔空來我羞澀大家莫向外人傳

右太倉

瀛洲紀聞云知縣于中行丁祭肅恭將事燭花結子游
監祭四字

又云縣署北管衙內施氏宅梧桐上有鳳來棲

右崇明

選舉續補

(明)

徐正

嘉靖四十一年壬戌

朱英

四十四年乙丑

錢世禎

萬曆十七年巳丑

馮之琦

二十九年辛丑武舉科

張光

三十二年甲辰

張一朋

三十五年丁未武舉科

謝登庸

四十四年丙辰

徐璉

四十七年巳未進士

陳靖

天啟二年壬戌

徐如彬

同上

須之奇

同上

馮璇

崇禎元年戊辰

高秉鉞

十三年庚辰

國朝

馬翼

順治六年巳丑探花

黃德輿

十二年乙未

沈廉

十五年戊戌

汪熹

康熙十五年丙辰

曹錫命

二十一年壬戌本姓杭

袁臣虎

二十七年戊辰本姓陶

徐憲文

三十六年丁丑

右嘉定雍正三年前武進士

宋

陸翥

科失考

龔天定

咸淳七年辛未

明

許英

嘉靖十年辛卯解元

徐朝陽

十六年丁酉解元

劉應龍

三十七年戊午又中甲子科

屈應龍

同上又中隆慶庚午萬曆己卯二科

曹雲龍

四十三年甲子又中隆慶丁卯庚午二科

張日中

隆慶四年庚午

封萬鍾

萬曆元年癸酉

嚴士麒

同上

趙邦本

四年
丙子

曹雲鶚

七年巳卯又中
甲午丁酉二科

錢世禎

十年壬午又中
乙酉戊子二科

顧大德

十三年
乙酉

曹雲鷺

十六年戊子
又中癸卯科

余來鳳

同上

徐源

十九年辛卯
解元

馮朝楨

同上又中
丁酉科

封爾公

同上

鍾聲遠

二十二年甲午又
中庚子癸卯二科

徐泰來

二十五年丁酉
元又中庚子科

孫種

同上又中
庚子科

高科

同上又中
壬子科

張光

同上

陳靖

二十八年庚子又
中癸卯巳酉二科

李自芳

同上

徐如梅

三十一年癸卯又
中巳酉壬子二科

車任重

同上

車輔

同上

徐如梓

三十七年巳酉
又中壬子科

謝登庸

同上解元又中
乙卯科解元

高穎

四十年
壬子

馮之珍同上

熊梅同上

馮嘉猷同上又中乙卯天啟甲子二科

徐璉四十三
年乙卯

張德威同上

張國威同上

沈聞詩同上

馮璇同上

阮啟文科失

徐景仁天啓元年辛酉

高武孟同上

馮際盛同上

施英同上

許自昌四年甲子又中丁卯崇禎癸酉二科

高秉銓同上又中丁卯崇禎庚午二科

馮應魁同上

嚴大威同上

趙景芳崇禎三年庚午

馮玠同上

馮學超同上

徐天麟九年丙子

馮嗣徽同上

錢煥如同上

馮珙十二年巳卯

馮生鈇同上

張人傑同上

沈承祐同上副榜
奏准會試

莊允濟十五年壬午

凌燧同上

張雲鵬

王承志以上二人由將材
中式科次失考

國朝

高三重順治二年乙酉又
中式戊子卯二科

朱曙同上順
天申式

施鳳翔三年丙戌

馬翼五年戊子

黃鍾八年辛卯

孫鼇同上

黃德輿同上

鍾謙同上

沈廉十一年甲午

葛士蘭十四年丁酉

李

枚

上同

王

森

庚十七年

秦

晉

上同

張

彪

上同

龐

澍

康熙五年
丙午

侯廷采

己酉八年

陸

諤

上同

盛王佐

上同

王

熹

壬子十一年

徐宏業

上同

曹錫命

上同

程豐

上同

趙

禧

乙卯十四年

張雲錦

上同

范周鼎

上同

曹璞

戊子十七年

楊挺英

上同

姚鳴臯

上同

金

輅

上同

金潢

辛酉二十年

黃永爵

上同

唐名芳

上同

袁臣虎

同上

許瑤

二十六年丁卯

馬廷佐

同上

王阜貞

同上

黃桓如

二十九年庚午

徐憲文

三十五年丙子

張嘉賓

四十年壬午

程簡

同上

王繹

五十年辛卯
本姓陳

許祥

五十二年癸巳

右嘉定雍正三年前武舉人

明

錢達

崇禎元年戊辰

國朝

馮斌

康熙九年庚戌

朱鴻祚

十八年巳未

施仁

五十年壬辰

曹炎

五十四年乙未

右崇明雍正三年前武進士

明

晁中立

李揚武

以上二人皆三科中式科次失考

王邦奇

萬歷元年癸酉

錢廣

十六年戊子

沈行瀾

十九年辛卯

沈明揚

二十二年甲午

陸懋光

二十五年丁酉

施明誠

二十八年庚子

郁李茂

三十一年癸卯

盛朝選

天啓元年辛酉

錢達

七年丁卯

陳心

崇禎六年癸酉

陸猷

同上

顧鴻琅

九年丙子

施際飛

同上

國朝

沈泓 順治十七年庚子

施文達 康熙五年丙午

倪之泗 同上

錢肇泰 八年己酉

錢發 同上 本姓黃

馮斌 同上

施威遠 十四年乙卯

高本厚 同上

倪洪 同上

陸國相 同上 順天解元三河籍

施其楫 同上 通州籍

黃榮 十七年戊午

范于韓 同上

張卿陞 同上

黃鉉 同上

朱鴻祚 同上

吳敬 同上 松江籍

凌祚 同上 本姓宋太倉籍

施永基 二十年辛酉

盛文 二十三年甲子

薛采 同上

楊捷 二十六年丁卯

傅愷

同本姓
戴吳縣籍

黃斌

年三十五
丙子

盛昌

同上

王飛

同上本姓
施松江籍

徐張培

年三十八
巳卯

楊達

年五十一
辛卯

施仁

同上

許祥

年五十一
巳本姓謝

施鎮

同上

黃棟

年五十二
甲午

曹鈞

同上

曹炎

同上

吳業

同上吳
江籍

黃天錫

年五十六
丁酉

聞興宗

年五十九
庚子

倪沈宇

年五十九
雍正元年
吳縣籍

右崇明雍正三年前武舉人

又續補嘉定武舉人

莊詩

順治二年乙酉又
中戊子辛卯二科

志旣成各類尙多應行增入之條各屬續報亦有必當
登錄者南溪徵君復博考輿論叅稽羣籍遇有可登一
一折衷於予以求至當商榷再三慎重決擇成補遺一
卷庶益廣闡微志古之盛心雖然校書如掃落葉見聞
有限往冊奚窮不醇不備之譏必不能免尙冀閱者詳
加是正焉至婁東爲風雅淵藪全書尠附見詩文又未
列文徵詩徵鴻篇鉅著無以裒衆集而成大觀尙當廣
爲蒐輯以俟續增嘉慶壬戌長夏海陽汪廷昉又識